

Հաստատված է՝
Տնօրինության 17.03.2026-ի
Թիվ DEC 12-23 արձանագրությամբ:
Ուժի մեջ է մտնում 13.04.2026թ.-ից:

**ՖԻԶԻԿԱԿԱՆ ԱՆՁԱՆՑ ԸՆԹԱՑԻԿ ԲԱՆԿԱՅԻՆ ՀԱՇՎԻ ՏԵՂԵԿԱՏՎԱԿԱՆ ԱՄՓՈՓԱԳԻՐ
ՖԻԶԻԿԱԿԱՆ ԱՆՁԱՆՑ ԸՆԹԱՑԻԿ ԲԱՆԿԱՅԻՆ ՀԱՇՎՆԵՐԻ ԲԱՅՄԱՆ ԵՎ ՍՊԱՍԱՐԿՄԱՆ
ՊԱՅՄԱՆՆԵՐ ԵՎ ՍԱԿԱԳՆԵՐ**

| | |
|------------------------------------|--|
| Հաճախորդ | ռեզիդենտ և ոչ ռեզիդենտ Ֆիզիկական անձ ¹ |
| Հաշվի արժույթը | AMD/USD/EUR/RU/GBP/CNY/GEL/AED |
| Բանկային հաշվի բացում և սպասարկում | վճար չի կիրառվում |
| Հաշվի փակում | վճար չի կիրառվում |
| Նվազագույն մնացորդ | չի կիրառվում |
| Հաշվի բացման ժամկետ | Հաշվի բացման դիմումը ներկայացնելու օրվա ընթացքում ² |

Կանխիկ գործարքներ³

| | | |
|---|----------------|---|
| Կանխիկ միջոցների մուտքագրում հաշվին մասնաճյուղի դրամարկղում | ✓ AMD/ GEL/AED | վճար չի կիրառվում |
| | ✓ USD | - մինչև 1996 թ.-ը թողարկված USD թղթադրամներ չեն ընդունվում - 1996-2006 թթ.-ի թողարկման 100 ԱՄՆ դոլար անվանական արժեքով թղթադրամների համար՝ <ul style="list-style-type: none"> ✓ մեկ հաճախորդի կողմից օրական մինչև 1 000 դոլար՝ սակագին չի կիրառվում ✓ 1 000 դոլարից ավել գումարի դեպքում՝ ավել մուտքագրված գումարի 1% |
| | ✓ EUR | - այլ թղթադրամի դեպքում սակագին չի սահմանվում - 500 EUR անվանական արժեքով թղթադրամի դեպքում 2% - այլ թղթադրամի դեպքում սակագին չի սահմանվում |
| | ✓ RUB | 2% անվճար, եթե մուտքագրվում է ավանդ ներդրելու նպատակով ⁴ |
| | ✓ GBP | 5% |
| | ✓ AMD | 0.2%, նվազագույնը՝ 100 AMD |

Հաստատված է՝
Տնօրինության 17.03.2026-ի
Թիվ DEC 12-23 արձանագրությամբ:
Ուժի մեջ է մտնում 13.04.2026թ.-ից:

| | | | |
|---|--|-----------------------------|----------------------------------|
| Միջոցների կանխիկացում ⁵ | ✓ USD/EUR | 1%, նվազագույնը՝ 1000 AMD | |
| | ✓ RUB/ GEL/AED | Սակագին չի կիրառվում | |
| | ✓ GBP | 5%, նվազագույնը՝ 1000 AMD | |
| Հնամաշ թղթադրամների ընդունում և փոխանակում | Համաձայն Բանկում գործող « Այլ ծառայությունների սակագների » | | |
| Փոխանցումներ | | | |
| Հանձնարարականը մասնաճյուղում ներկայացնելու դեպքում | | | |
| Ներբանկային փոխանցումներ ⁶ | 200 AMD | | |
| Միջբանկային փոխանցումներ ՀՀ տարածքում ⁶ | 200 AMD | | |
| Միջազգային փոխանցումներ | Համաձայն Բանկում գործող « Միջազգային փոխանցումների սակագների » | | |
| ArcaPay փոխանցումներ | Համաձայն Բանկում գործող « ArcaPay համակարգի միջոցով փոխանցման սակագների » | | |
| Հանձնարարականը հնտերնետ/Մոբայլ բանկինգով ներկայացնելու դեպքում | | | |
| Ներբանկային փոխանցումներ ⁶ | սակագին չի կիրառվում | | |
| Միջբանկային փոխանցումներ ՀՀ տարածքում ⁶ | սակագին չի կիրառվում | | |
| հնտերնետ/Մոբայլ բանկինգով «Փոխանցում քարտին» ծառայության միջոցով | 0.25% | | |
| Անճշտությունների ուղղում վճարման հանձնարարականի տվյալներում հաճախորդի դիմումի համաձայն | սակագին չի կիրառվում (swift-ի դեպքում՝ համաձայն «Ֆիզիկական և իրավաբանական անձ/ անհատ ձեռնարկատեր հաճախորդների կողմից արտարժույթային միջազգային փոխանցումների իրականացման պայմանների և սակագների ») | | |
| Գործող հաշվի վերաբերյալ քաղվածքների տրամադրում բանկի մասնաճյուղում | սակագին չի կիրառվում | | |
| Փակված հաշվի վերաբերյալ քաղվածքի տրամադրում բանկի մասնաճյուղում | 1 000 AMD ⁷ | | |
| Հաշիվների վերաբերյալ տեղեկանքների տրամադրում բանկի մասնաճյուղում | Համաձայն « Այլ ծառայությունների սակագների » | | |
| Հաշվի օրական մնացորդի նկատմամբ կիրառվող տարեկան (պարզ) տոկոսադրույք և տոկոսային եկամտաբերություն ⁸ | Արժույթ | Տարեկան (պարզ) տոկոսադրույք | APY (տոկոսային եկամտաբերություն) |

Հաստատված է՝
Տնօրինության 17.03.2026-ի
Թիվ DEC 12-23 արձանագրությամբ:
Ուժի մեջ է մտնում 13.04.2026թ.-ից:

| | | | |
|--|-----------------|------|-------|
| | AMD | 4% | 4.07% |
| | USD | 0.5% | 0.5% |
| | EUR | 0.1% | 0.1% |
| | RU | 0.5% | 0.5% |
| | GBP/CNY/GEL/AED | 0% | 0% |

Ծանոթություն

¹ Մինչև 18 տարեկան անձանց հաշվի բացման պայմանները սահմանվում են համաձայն «Ֆասթ Բանկ» ՓԲԸ բանկային և ավանդային հաշիվների բացման և վարման (սպասարկման) կանոններ [փաստաթղթի](#):

² Օտարերկրյա կամ երկքաղաքացիություն ունեցող անձանց դեպքում հաշիվը կարող է բացվել դիմելու ներկայացնելու օրվա ընթացքում:

³ Սակագնի կիրառման ժամանակ հիմք է ընդունվում տվյալ պահին գործող ՀՀ ԿԲ փոխարժեքը: Չինական յուան (CNY) արժույթով հաշիվներով իրականացվում են միայն անկանխիկ գործարքներ, կանխիկ գործարքներ չեն իրականացվում:

⁴ Այն դեպքում, երբ ավանդը խզվում է 30 օր ժամկետից շուտ, կիրառվում է 2% կանխիկ մուտքի սակագինը:

⁵ Սակագինը չի տարածվում՝

- ժամկետային ավանդի գումարի կանխիկացման դեպքում, բացառությամբ, եթե ժամկետային ավանդի պայմանագիրը լուծվել է ժամկետային ավանդը ներդնելուց հետո մինչև 30 օրվա ընթացքում և տվյալ ավանդի գոյացման աղբյուրը մեկ այլ՝ 30 օր և ավելի ժամկետով ավանդ չէ:
- Պարտատոմսերի կանխիկացման դեպքում:
- ժամկետային ավանդի և պարտատոմսերի համար վճարված տոկոսագումարի կանխիկացման դեպքում:

⁶ Փոխանցման հաշվի արժույթը տարբեր լինելու դեպքում իրականացվում է փոխարկում Բանկի սահմանած փոխարժեքով:

Ներբանկային փոխանցումն իրականացվում է անմիջապես:

Մինչև ժամը 15:30 ընդունված միջբանկային փոխանցումները իրականացվում են միևնույն բանկային օրը: Ժամը 15:30-ից հետո կատարված փոխանցումները իրականացվում են հաջորդ բանկային օրը: Փոխանցվող գումարի ելքագրումը հաշվից իրականացվում է անմիջապես:

⁷ Ներառյալ ԱԱՀ:

⁸ Տոկոսագումարը կապիտալացվում և վճարվում է յուրաքանչյուր ամիս՝ մինչև տվյալ ամսվան հաջորդող ամսի 15-ը:

ՖԻԶԻԿԱԿԱՆ ԱՆՁԱՆՑ ԸՆԹԱՑԻԿ ԲԱՆԿԱՅԻՆ ՀԱՇՎԻ ՏԵՂԵԿԱՏՎԱԿԱՆ ԱՄՓՈՓԱԳԻՐ

1. Բանկային հաշիվները բացվում են ՀՀ դրամ, ԱՄՆ դոլար, Եվրո, ՌԴ ռուբլի, Չինական յուան, Վրացական լարի, Ֆունտ ստերլինգ և ԱՄԷ դիրհամ արժույթներով:

2. Հաշվի օրական մնացորդի նկատմամբ Բանկը հաշվեգրում է տոկոս՝ տվյալ ժամանակահատվածի համար Բանկում

Հաստատված է՝
Տնօրինության 17.03.2026-ի
Թիվ DEC 12-23 արձանագրությամբ:
Ուժի մեջ է մտնում 13.04.2026թ.-ից:

գործող Սակագներով և պայմանագրով սահմանված չափով, ընդ որում՝ օրական մնացորդ է համարվում տվյալ գործառնական օրվա ավարտին Հաշվի փաստացի մնացորդը: Հաշվում առկա գումարի վրա տոկոսները հաշվարկվում են գումարը Բանկ մուտք լինելու օրվանից մինչև այն հաճախորդին վերադարձնելու կամ հաճախորդի հաշվից այլ հիմքերով դուրս գրելու օրվան նախորդող օրն ընկած ժամանակահատվածի օրացուցային օրերի համար: Հաճախորդի բանկային հաշվում առկա դրամական միջոցների նկատմամբ յուրաքանչյուր օրվա տոկոսադրույքը հաշվարկվում է սահմանված տոկոսադրույքի 1/365 հարաբերակցությամբ, իսկ նահանջ տարվա համար 1/366 հարաբերակցությամբ: Տոկոսները հաշվարկվում են դրամական միջոցների չօգտագործված փաստացի մնացորդի նկատմամբ:

3. Եթե Բանկում ունեցած հաշիվների մնացորդների դիմաց հաշվեգրվում են տոկոսներ, ապա տոկոսագումարը հաշվեգրվում է յուրաքանչյուր ամիս: Հաշվեգրված տոկոսագումարները վճարվում են բանկային հաշվի արժույթով և կապիտալացվում են (փոխանցվում են) հաճախորդի նույն հաշվեհամարին մինչև հաջորդ ամսվա 15-ը:

4. Բանկն իրավունք ունի փոփոխելու ցպահանջ ավանդների և բանկային հաշվում եղած դրամական միջոցների համար վճարվող տոկոսների չափը, եթե պայմանագրով այլ բան նախատեսված չէ:

5. Բանկն իրավունք ունի հաճախորդի պահանջով վերջինիս բանկային հաշվից կանխիկ դրամական միջոցների տրամադրումն իրականացնել հաճախորդից համապատասխան հանձնարարականը ստանալու օրվան հաջորդող աշխատանքային օրը (բացառությամբ՝ շաբաթ և կիրակի օրերի), եթե պահանջվող գումարը գերազանցում է 5 մլն ՀՀ դրամը կամ համարժեք արտարժույթը:

6. Կանոններում, Պայմաններում և Սակագներում փոփոխությունների դեպքում, Բանկը պարտավորվում է փոփոխություններն ուժի մեջ մտնելուց 7 աշխատանքային օր առաջ ծանուցել Հաճախորդին դրանց վերաբերյալ՝ Բանկի և Հաճախորդի միջև կնքված համապատասխան պայմանագրով ընտրված հաղորդակցման եղանակով: Տարեկան տոկոսային եկամտաբերության վրա ազդեցություն ունեցող փոփոխությունների դեպքում, Բանկը պարտավոր է ծանուցել Հաճախորդին դրանց վերաբերյալ՝ Բանկի և Հաճախորդի միջև կնքված համապատասխան պայմանագրով ընտրված հաղորդակցման եղանակով տարեկան տոկոսային եկամտաբերության փոփոխման օրվանից առնվազն 15 օր առաջ :

7. Հաճախորդի բանկային հաշվին մուտքագրված տոկոսագումարը ենթակա է հարկման եկամտային հարկով՝ ՀՀ հարկային օրենսդրությամբ սահմանված կարգով 10% տոկոսադրույքով:

8. Բանկն իրավունք ունի միակողմանիորեն դադարեցնել բանկային հաշվի սպասարկումը և փակել հաշիվն առանց հաճախորդի համաձայնության, եթե Հաճախորդի հաշվին առկա դրամական միջոցները 12 (տասներկու) հաջորդական ամիսների ընթացքում չեն բավականացնում հաշիվը սպասարկելու, Սակագներով սահմանված վճարները գանձելու համար կամ գրոյական մնացորդով հաշվով չեն իրականացվել որևիցե գործարքներ: Սույն կետի իմաստով հաշվով գործառնություններ չեն համարվում Բանկի կողմից հաշվի սպասարկման վճարի կամ Բանկի առջև Հաճախորդի այլ պարտավորությունների դիմաց դրամական միջոցների գանձման, ինչպես նաև դատարանի վճռի հիման վրա հաշվից միջոցների բռնագանձման դեպքերը:

9. Հաճախորդը կարող է փակել բանկային հաշիվը Կանոններով սահմանված դեպքերում Բանկի կողմից հաշվի փակման դիմումը ներկայացնելու օրը: Տվյալ դեպքում Հաճախորդը կարող է ստանալ հաշվում առկա դրամական միջոցները կանխիկ կամ անկանխիկ եղանակով փոխանցել դրանք այլ հաշվի՝ վճարելով Սակագներով սահմանված միջնորդավճարը:

10. Հաճախորդն ինքնուրույն տնօրինում է իր Հաշվում առկա դրամական միջոցները: Բանկն իրավունք չունի Հաշվում եղած դրամական միջոցները տնօրինելու Հաճախորդի իրավունքները սահմանափակել, բացի օրենքով, Կանոններով և համապատասխան պայմանագրերով նախատեսված դեպքերի:

11. Հաշիվը տնօրինելու իրավունքը կարող է սահմանափակվել կամ հաշվից միջոցները բռնագանձվել առանց հաճախորդին նախապես տեղեկացնելու՝ ՀՀ դատական և այլ իրավասու մարմինների որոշմամբ, ինչպես նաև Բանկի կողմից, եթե հաճախորդը խախտում է Բանկի առջև ստանձնած վարկային կամ այլ պարտավորությունները: Հաշվի ապօրինի օգտագործման դեպքերում անհրաժեշտ է տեղեկացնել Բանկին՝ զանգահարելով (+374 10) 510 000 շուրջօրյա հեռախոսա-

Հաստատված է՝
Տնօրինության 17.03.2026-ի
Թիվ DEC 12-23 արձանագրությամբ:
Ուժի մեջ է մտնում 13.04.2026թ.-ից:

համարով, կամ դիմելով Բանկին՝ Բանկում գործող և պաշտոնական ինտերնետային կայքում հրապարակված կապի այլ միջոցներով: Ապօրինի օգտագործման մասին տեղեկացնելու դեպքում հաշիվը կարգելափակվի, Բանկը Հաճախորդի դիմումի հիման վրա կուսումնասիրի գործարքի մանրամասները և, անհրաժեշտության դեպքում, կսկսի գործարքի բողոքարկման գործընթացը:

12. Սույն ամփոփագրով չկարգավորված հարցերը կարգավորվում են ՀՀ օրենսդրությամբ, «[Ֆասթ Բանկ](#)» ՓԲԸ [բանկային և ավանդային հաշիվների բացման և վարման \(սպասարկման\) կանոններով](#) և հաճախորդի հետ կնքված պայմանագրով:

13. Բանկը՝ «Փողերի լվացման և ահաբեկչության ֆինանսավորման դեմ պայքարի մասին» ՀՀ օրենքով սահմանված Հաճախորդի պատշաճ ուսումնասիրության նպատակով, կարող է հաճախորդից «Ճանաչիր քո հաճախորդին» («Know your customer») սկզբունքի հիման վրա պահանջել լրացուցիչ փաստաթղթեր կամ այլ տեղեկություններ, ինչպես նաև բանավոր հաղորդակցման ընթացքում լրացուցիչ հարցեր տալ Հաճախորդին (նման պահանջի առկայության դեպքում):

14. Օտարերկրյա հաշիվների հարկային համապատասխանության ակտի (Foreign Account Tax Compliance Act (FATCA)) հիման վրա ԱՄՆ-ի հետ կնքված համաձայնագրի համաձայն Բանկը Ձեր՝ ԱՄՆ հարկատու հանդիսանալու հանգամանքը պարզելու համար կարող է իրականացնել լրացուցիչ տեղեկատվության հավաքագրում:

15. Ի կատարումն ՀՀ օրենսդրությամբ, այդ թվում՝ ՀՀ հարկային օրենսգրքով, Տնտեսական համագործակցության և զարգացման կազմակերպության կողմից հրապարակված Միասնական հաշվետվողական ստանդարտով և/կամ միջպետական այլ ակտերով սահմանված Բանկի պարտավորությունների՝ Բանկը ՀՀ պետական և(կամ) տեղական ինքնակառավարման մարմիններին և(կամ) օտարերկրյա պետական լիազոր մարմիններին (այսուհետ՝ Լիազոր մարմին) և/կամ վերջինիս կողմից նշված անձանց տրամադրում է ոչ ռեզիդենտ Հաճախորդի վերաբերյալ բանկային գաղտնիք, ինչպես նաև Հաճախորդի անձնական տվյալներ կազմող տեղեկատվություն, որի վերաբերյալ Հաճախորդը սույնով տալիս է իր անվերապահ համաձայնությունը:

16. APY-ը տվյալ ավանդատեսակի համար հաշվարկված ավանդի տարեկան տոկոսային եկամտաբերությունն է: APY-ը ցույց է տալիս, թե որքան կկազմի ավանդի տարեկան եկամտաբերությունը հաճախորդի կողմից ավանդի հետ կապված պարտադիր վճարները կատարելու և ստացված տոկոսագումարները մայր գումարին ավելացնելու (կապիտալացման) արդյունքում: Հաշվարկվում է համաձայն ՀՀ ԿԲ կողմից սահմանված կարգի:

17. ՈՒՇԱԴՐՈՒԹՅՈՒՆ՝ ՁԵՐ ՀԱՇՎՈՒՄ ԱՌԿԱ ՄԻՋՈՑՆԵՐԻ ՆԿԱՏԱՄԲ ՏՈԿՈՍԱԳՈՒՄԱՐՆԵՐԸ ՀԱՇՎԱՐԿՎՈՒՄ ԵՆ ԱՆՎԱՆԱԿԱՆ ՏՈԿՈՍԱԴՐՈՒՅՔԻ ՀԻՄԱՆ ՎՐԱ: ԻՍԿ ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅՈՒՆԸ ՑՈՒՅՑ Է ՏԱԼԻՍ, ԹԵ ՈՐՔԱՆ ԵԿԱՄՈՒՏ ԿՍՏԱՆԱՅԻՔ ԴՈՒՔ՝ ՁԵՐ ԿՈՂՄԻՑ ՀԱՇՎԻ ՀԵՏ ԿԱՊՎԱԾ ՊԱՐՏԱԴԻՐ ՎՃԱՐՆԵՐ ԿԱՏԱՐԵԼՈՒ ԵՎ ՍԱՀՄԱՆՎԱԾ ՊԱՐԲԵՐԱԿԱՆՈՒԹՅԱՄԲ ՎԱՍՏԱԿԱԾ ՏՈԿՈՍԱԳՈՒՄԱՐՆԵՐԸ ՍՏԱՆԱԼՈՒ ԱՐԴՅՈՒՆՔՈՒՄ: ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅԱՆ ՀԱՇՎԱՐԿՄԱՆ ԿԱՐԳԸ ՀԵՏԵՎՅԱԼՆ Է.

$$APY=(1+r/n)^n-1,$$

որտեղ՝

APY - տարեկան տոկոսային եկամտաբերությունն է:

r - տարեկան պարզ տոկոսադրույքն է:

n - մեկ տարվա ընթացքում տոկոսագումարների կապիտալացման հաճախականությունն է:

Օրինակ՝ «Ժամկետային ավանդ՝ տոկոսագումարների ամսական կապիտալացմամբ».

Ենթադրենք առաջարկվում է ավանդատեսակ հետևյալ պայմաններով՝ա. Ավանդի գործողության ժամկետ՝ 1 տարի (365 օր)

բ. Տարեկան պարզ տոկոսադրույք՝ 7%

Հաստատված է՝
 Տնօրինության 17.03.2026-ի
 Թիվ DEC 12-23 արձանագրությամբ:
 Ուժի մեջ է մտնում 13.04.2026թ.-ից:

գ. Տոկոսների կապիտալացումների հաճախականությունը ամսական՝ տարվա ընթացքում 12 անգամ, յուրաքանչյուր ամսվա ժամանակահատվածի վերջում:

Ելնելով վերոնշյալ օրինակի պայմաններից և օգտվելով բանաձևից՝ կստանանք տարեկան տոկոսային եկամտաբերության չափը.

$$APY = (1 + 0.07/12)^{12} - 1, \text{ որտեղից՝}$$

$$APY = 0.072290 * 100 = 7.23\%$$

18. Ավանդը երաշխավորված է Ավանդների հատուցումը երաշխավորող հիմնադրամի կողմից՝ համաձայն «Ֆիզիկական անձանց ավանդների հատուցումը երաշխավորելու մասին» ՀՀ օրենքի:

ԵՐԱՇԽԱՎՈՐՎԱԾ ԱՎԱՆԴԻ ԱՌԱՎԵԼԱԳՈՒՅՆ ՉԱՓԸ ԵՎ ՀԱՇՎԱՐԿԱՄՆ ԿԱՐԳԸ

| Ավանդի արժույթային կառուցվածքը | Եթե նույն բանկում ունեք միայն դրամային ավանդ. | Եթե նույն բանկում ունեք միայն արտարժույթային ավանդ. | Եթե նույն բանկում ունեք և ՀՀ դրամով և արտարժույթով ավանդ. | |
|---------------------------------------|---|---|--|---|
| | | | Եթե դրամային ավանդը 7 միլիոն ՀՀ դրամից պակաս է | Եթե դրամային ավանդը 7 միլիոն ՀՀ դրամից ավել է |
| Ավանդի երաշխավորման առավելագույն չափը | 16 միլիոն ՀՀ դրամ | 7 միլիոն ՀՀ դրամ | 7 միլիոն ՀՀ դրամ (երաշխավորվում է դրամային ավանդի ամբողջությամբ և արտարժույթային ավանդը՝ 7 միլիոն ՀՀ դրամի և հատուցված դրամային ավանդի տարբերության չափով) | 16 միլիոն ՀՀ դրամ (երաշխավորվում է միայն դրամային ավանդը) |

19. Պայմանագրի գործողության ընթացքում կողմերի միջև ծագած վեճերը և տարաձայնությունները լուծվում են բանակցությունների միջոցով: Բանակցությունների միջոցով համաձայնության չգալու դեպքում վեճը լուծվում է ՀՀ օրենսդրությամբ սահմանված կարգով: Հաճախորդն հնարավորություն ունի Բանկի նկատմամբ ունեցած բողոք-պահանջները ներկայացնել ֆինանսական համակարգի հաշտարարին:

20. Տեղեկացնում ենք, որ Բանկը կնքել է ֆինանսական համակարգի հաշտարարի որոշումները վիճարկելու իրավունքից հրաժարվելու վերաբերյալ համաձայնագիր այն պահանջներով, որոնց ընդհանուր չափը չի գերազանցում 100 000 ՀՀ դրամ գույքային պահանջը:

Հաճախորդից պահանջվող փաստաթղթերի ցանկ

- Անձնագիր կամ անձը հաստատող այլ փաստաթուղթ,
- Հանրային ծառայությունների համարանիշ (կիրառելի է միայն ՀՀ քաղաքացիների կամ ՀՀ-ում կացության կարգավիճակ ունեցող և բնակվող օտարերկրյա քաղաքացիների դեպքում),
- Միջոցների ծագման աղբյուրը հիմնավորող փաստաթուղթ (կիրառելի է ոչ ռեզիդենտ հաճախորդների դեպքում): Ներկայացվում է հաշվի բացման պահին: Փաստաթղթի բնօրինակը վերադարձվում է Հաճախորդին, իսկ պատճենը պահվում է Բանկում:

Հաստատված է՝
Տնօրինության 17.03.2026-ի
Թիվ DEC 12-23 արձանագրությամբ:
Ուժի մեջ է մտնում 13.04.2026թ.-ից:

«ԴՈՒՔ ԻՐԱՎՈՒՆՔ ՈՒՆԵՔ ՀԱՂՈՐԴԱԿՑՎԵԼ ՖԻՆԱՆՍԱԿԱՆ ԿԱԶՄԱԿԵՐՊՈՒԹՅԱՆ ՀԵՏ ՁԵՐ ՆԱԽԸՆՏՐԱԾ ԵՂԱՆԱԿՈՎ՝ ՓՈՍՏԱՅԻՆ ԿԱՊԻ ՄԻՋՈՑՈՎ ԿԱՄ ԷԼԵԿՏՐՈՆԱՅԻՆ ԵՂԱՆԱԿՈՎ: ԷԼԵԿՏՐՈՆԱՅԻՆ ԵՂԱՆԱԿՈՎ ՏԵՂԵԿԱՏՎՈՒԹՅԱՆ ՍՏԱՑՈՒՄԸ ԱՄԵՆԱՀԱՐՄԱՐԱՎԵՏՆ Է: ԱՅՆ ՀԱՍԱՆԵԼԻ Է 24/7 ՌԵԺԻՄՈՎ, ՁԵՐԾ Է ԹՂԹԱՅԻՆ ՏԵՂԵԿԱՏՎՈՒԹՅԱՆ ԿՈՐՍՏԻ ՌԻՍԿԵՐԻՑ ԵՎ ԱՊԱՀՈՎՈՒՄ Է ԳԱՂՏՆԻՈՒԹՅՈՒՆ»:

«ՈՒՇԱԴՐՈՒԹՅՈՒՆ՝ «ՁԵՐ ՖԻՆԱՆՍԱԿԱՆ ՏԵՂԵԿԱՏՈՒՆ» ՖԻԶԻԿԱԿԱՆ ԱՆՁԱՆՑ ԱՌԱՋԱՐԿՎՈՂ ԾԱՌԱՅՈՒԹՅՈՒՆՆԵՐԻ ՈՐՈՆՄԱՆ, ՀԱՄԵՄԱՏՄԱՆ ԵՎ ՁԵՁ ՀԱՄԱՐ ԱՄԵՆԱԱՐԴՅՈՒՆԱՎԵՏ ՏԱՐԲԵՐԱԿԻ ԸՆՏՐՈՒԹՅՈՒՆԸ ՀԵՇՏԱՑՆՈՂ ԷԼԵԿՏՐՈՆԱՅԻՆ ՀԱՄԱԿԱՐԳ Է»: ԿԱՅՔ՝ www.fininfo.am

Ծառայության վերաբերյալ ամբողջական տվյալներին կարող եք ծանոթանալ www.fastbank.am կայքում, ինչպես նաև զանգահարելով միասնական տեղեկատվական ծառայություն՝ (+37410) 510 000 հեռախոսահամարով:

ՈՒՇԱԴՐՈՒԹՅՈՒՆ. ԲԱՆԿԸ ՎԵՐԱՀՍԿՎՈՒՄ Է ՀՀ ԿԵՆՏՐՈՆԱԿԱՆ ԲԱՆԿԻ ԿՈՂՄԻՑ